

衢州文獻集成

「經部」

第
13
冊

衢州文獻集成

黃靈庚 諸葛慧艷

主編

〔經部〕

第
13
冊

國家圖書館出版社

第一三冊目錄

麟寶六十三卷（卷三十至五十一）

（明）余敷中撰
明萬曆刻本

.....

麟史卷之

襄公二

六年春王正月壬午杞伯姑容卒

夏宋華弱來奔

左宋華弱與樂轡少相狎長相優又相謫也子蕩

怒以弓梏華弱於朝平公見之曰司武而梏於朝

難以勝矣遂逐之夏宋華弱來奔司城子罕曰同

罪異罰非刑也專戮于朝罪孰大焉亦逐子蕩子

蕩射子罕之門曰幾日而不我從子罕善之如初

秋葬杞桓公

梏丁毒反

射食亦反

滕子來朝

左秋滕成公來朝始朝公也

莒人滅鄆

穀非滅也中國日卑國月夷狄時鄆中國也而時非滅也家有既亡國有既滅滅而不自知由別之而不別也莒人滅鄆非滅也立異姓以蒞祭祀滅亡之道也

冬叔孫豹如邾

左穆叔如邾聘且脩平

季孫宿如晉

左晉人以鄆故來討曰何故亡鄆季武子如晉見

且聽命

十有二月齊侯滅萊

形一
反
湫子小

形一
反
呂反

左萊恃謀也於鄭子國之來聘也四月晏弱城東陽而遂圍萊甲寅煙之環城傅於堞及杞桓公卒之月乙未王湫帥師及正與子棠人軍齊師齊師大敗之丁未入萊萊共公浮柔奔棠正與子王湫奔莒莒人殺之四月陳無宇獻萊宗器于襄宮晏弱圍棠十一月丙辰而滅之遷萊于郕高厚崔杼定其田

發藝直立

原音遠

七年春鄆子來朝

鄆音談左
始朝公也

夏四月三卜郊不從乃免牲

左孟獻子曰吾乃今而後知有卜筮夫郊祀后稷以祈農事也是故啟蟄而郊郊而後耕今既耕而卜郊宜其不從也

小邾子來朝

左小邾穆公來朝亦始朝公也

城費

費音秘

左南遺爲費宰叔仲昭伯爲隊正欲善季氏而求媚於南遺謂遺請城費吾多與而役故季氏城費

秋季孫宿如衛

左秋季武子如衛報子叔之聘且辭緩報非貳也

八月螽

左冬十月晉韓獻子告老公族穆子有廢疾將立之辭曰詩曰豈不夙夜謂行多露又曰弗躬弗親庶民弗信無忌不才讓其可乎請立起也與田蘇游而曰好仁詩曰靖共爾位好是正直神之聽之介爾景福恤民爲德正直爲正正曲爲直參和爲仁如是則神聽之介福降之立之不亦可乎庚戌使宣子朝遂老晉侯謂韓無忌仁使掌公族大夫

國韓獻子老使公族穆子受事於朝辭曰厲公之
亂無忌備公族不能死臣聞之曰無功庸者不敢
居高位今無忌知不能匡君使至於難仁不能救
勇不能死敢辱君朝以忝韓宗請退也固辭不立
悼公聞之曰難雖不能死死而讓不可不賞也使
掌公族大夫

悼公使張老爲卿辭曰臣不如魏絳夫絳之知能
治大官其仁可以利公室不忘其勇不疚於利其
學不廢其先人之職若在卿位外內必平且鷄丘
之會其官不犯而辭順不可不賞也公五命之固

辭乃使爲司馬使魏絳佐新軍

冬十月衛侯使孫林父來聘壬戌及孫林父盟

[左]衛孫文子來聘且拜武子之言而尋孫桓子之盟公登亦登叔孫穆子相趨進曰諸侯之會寡君未嘗後衛君今吾子不後寡君寡君未知所過吾子其少安孫子無辭亦無後容穆叔曰孫子必亡爲臣而君過而不後亡之本也詩曰退食自公委蛇委蛇謂從者也衡而委蛇必折

楚公子貞帥師圍陳十有二月公會晉侯宋公陳侯

衛侯曹伯莒子邾子于鄆

鄆于軾反

左楚子囊圍陳會于鄢以救之

鄭伯髡頑如會未見諸侯丙戌卒于鄢

報七
反

左鄭僖公之爲大子也於成之十六年與子罕適
晉不禮焉又與子豐適楚亦不禮焉及其元年朝
于晉子豐欲愬諸晉而廢之子罕止之及將會于
鄢子駟相又不禮焉侍者諫不聽又諫殺之及鄢
子駟使賊夜弑僖公而以瘡疾赴于諸侯簡公生
五年奉而立之

公操者何鄭之邑也諸侯卒其封內不地此何以
地隱之也何隱爾弑也孰弑之其大夫弑之曷爲

爲中干
僞反

不言其大夫弑之爲中國諱也曷爲爲中國諱鄭伯將會諸侯于鄆其大夫諫曰中國不足歸也則不若與楚鄭伯曰不可其大夫曰以中國爲義則伐我喪以中國爲彊則不若楚於是弑之鄭伯髡原何以名傷而反未至乎舍而卒也未見諸侯其言如會何致其意也

穀未見諸侯其曰如會何也致其志也禮諸侯不生名此其生名何也卒之名也卒之名則何爲加之如會之上見以如會卒也其見以如會卒何也鄭伯將會中國其臣欲從楚不勝其臣弑而死其

不言弑何也不使夷狄之民加乎中國之君也其地於外也其日未踰竟也日卒時葬正也

陳侯逃歸

左陳人患楚慶虎慶寅謂楚人曰吾使公子黃往而執之楚人從之二慶使告陳侯于會曰楚人執公子黃矣君若不來羣臣不忍社稷宗廟懼有二圖陳侯逃歸

穀以其去諸侯故逃之也

八年春王正月公如晉

左春公如晉朝且聽朝聘之數

夏葬鄭僖公

鄭人侵蔡獲蔡公子燮

左鄭子國子耳侵蔡獲蔡司馬公子燮鄭人皆喜
唯子產不順曰小國無文德而有武功禍莫大焉
楚人來討能勿從乎從之晉師必至晉楚伐鄭自
今鄭國不四五年弗得寧矣子國怒之曰爾何知
國有大命而有正卿童子言焉將爲戮矣

季孫宿會晉侯鄭伯齊人宋人衛人邾人于邢丘

左會于邢丘以命朝聘之數使諸侯之大夫聽命
鄭伯獻捷于會故親聽命

見賈

穀見魯之失正也公在而大飢也

公至自晉

莒人伐我東鄙

左以疆
鄆田

秋九月大雩

冬楚公子貞帥師伐鄭

左冬楚子囊伐鄭討其侵蔡也子駟子國子耳欲

從楚子孔子矯子展欲待晉子駟曰周詩有之曰

俟河之清人壽幾何兆云詢多職競作羅謀之多

族民之多違事滋無成民急矣姑從楚以紓吾民

晉師至吾又從之敬共幣帛以待來者小國之道

矯居素

也犧牲玉帛待于二竟以待彊者而庇民焉寇不
爲害民不罷病不亦可乎子展曰小所以事大信
也小國無信兵亂日至亡無日矣五會之信今將
背之雖楚救我將安用之親我無成鄙我是欲不
可從也不如待晉晉君方明四軍無闕八鄉和睦
必不棄鄭楚師遼遠糧食將盡必將速歸何患焉
舍之聞之杖莫如信完守以老楚杖信以待晉不
亦可乎子駟曰詩云謀夫孔多是用不集發言盈
庭誰敢執其咎如匪行邁謀是用不得于道請從
楚駢也受其咎乃及楚平使王子伯駢告于晉曰

悉各

馮皮米

反覆芳

服反控

苦貢反

夫音扶

頁音云

介古賀

反帥所

律反

君命敝邑脩而車賦儼而師徒以討亂略蔡人不
從敝邑之人不敢寧處悉索敝賦以討于蔡獲司
馬燮獻于邢丘今楚來討曰女何故稱兵于蔡焚
我郊保馮陵我城郭敝邑之衆夫婦男女不遑啟
處以相救也翦焉傾覆無所控告民死亡者非其
父兄卽其子弟夫人愁痛不知所庇民知窮困而
受盟于楚孤也與其二三臣不能禁止不敢不告
知武子使行人子貞對之曰君有楚命亦不使一
介行李告于寡君而卽安于楚君之所欲也誰敢
違君寡君將帥諸侯以見于城下唯君圖之